

S. F. N.

DISSERTATIONIS JURIDICÆ,

DE

TESTAMENTIS
ET SPECIATIM

DE

**MODIS, QUIBUS EA
INFIRMANTUR,**

PARTEM PRIMAM,

Ex Conf. Ampl. Fac. Jurid. in Reg. Acad. Aboënsi
Publico examini modeste subjiciunt

AUCTOR

**JOHANNES ALEX.
BRANDT,**

J. U. D. & Docens nec non V. Jud. Territor.

ET

RESPONDENS

Stipendiarius Regius

HENRICUS GABR. RANGELIUS,

ABOËNSIS,

In AUDITORIO MAJORI, Die XVI Februar. Anni

MDCCLXXI.

H. A. M. C.

ABOË Impressit, Johan. Christophor. Frenckell.

H. C. Appelgren

S:Æ R:Æ M:TIS
MAGNÆ FIDEI VIRO,
REVERENDISSIMO PATRI Ac DOMINO,
D: NO CAROLO
FRIEDERICO
MENNANDER,
S. S. THEOLOGIÆ DOCTORI
CONSUMMATISSIMO,
DIOCESEOS ABOENSIS
EPISCOPO
EMINENTISSIMO,
ACADEMIÆ IBIDEM PRO-CANCELLARIO
MAGNIFICENTISSIMO,
SCHOLARUM PER DIOECESIN
EPHORO
ACCURATISSIMO
Nec Non
REGIÆ ACADEMIÆ SCIENT. HOLMIENSIS
MEMBRO
DIGNISSIMO,
MÆCENATI MAXIMO.
SACRUM SIT.

VIRO
SUMME REVERENDO ATQUE AMPLISSIMO,
D: NO D OCT. JACOBO
GADOLIN,

S. S. THEOLOGIÆ IN ALMO AD AURAM LYCEO,
PROFESSORI
CELEBERRIMO,
Consistorii utriusque ASSESSORI
GRAVISSIMO,
Antistiti Ecclesiæ Fennicæ Urbis Aboënsis
Longe MERITISSIMO,
Reg. Acad. Scient. Holm. Socio
DIGNISSIMO,

MÆCENATI OPTIMO.

Opusculum hocce,
licet
Alieno Marte elaboratum,
ut venerabundi,
In Inspectorem
Vigilantissimum,
Et Mæcenatem Faventissimum,
Animi,
Certissimum documentum,
Consecratur
A
MAXIME REVERENDI ATQUE CELEBERRIMI
NOMINIS SUI

Cultore humillimo
HENR. G. RANGELIO.

VIRO
MAXIME REVERENDO ATQUE CELEBERRIMO,
D:NO PETRO
KALM,
S. S. THEOLOGIÆ DOCTORI, OÆCONOMIÆ
PROFESSORI Reg. & Ordin.
CELEBERRIMO,
Facultatis Philos. h. t. Decano Maxime spectabili,
Consistorii utriusque ASSESSORI
GRAVISSIMO,
Pastori Ecclesiæ S:t. Mariaæ
VIGILANTISSIMO,
Nec Non
Regiæ Academiæ Scientiarum Holmiensis
& Societatis Litterariæ Upsaliensis.

MEMBRO,
DIGNISSIMO
MÆCENATI INDULGENTISSIMO,
Opellam hancce,
ut exiguam,
Devotæ gratissimæque mentis, tesseram,
ob maximum favorem,
offert.
MAXIME REVERENDI ATQUE CELEBERRIMI
NOMINIS SUI

HENR. G. RANGELIUS.
Cultor devotissimus.



§. I.

TESTAMENTUM, quod ratione etymi ab *IMPERATORE* dicitur quasi testatio mentis (*a*) definiente *Modestino L. i. D. de Test. Ord.* est voluntatis nostræ justa sententia de eo, quod quis, post mortem suam, (de bonis suis) fieri vult. *f.* Testamente är en människas yttersta vilja, hvem den delen af quarlåtenskapen, som ägaren får borttestamentera, efter dess död tilfalla bör. (*b*) Quas definitiones, ut accurate generalem notionem Testamenti excutientes, nostras facimus. Quod hæc voluntas & ejus sententia ante mortem sit ambulatoria, ita quidem ut in potestate Testatoris (*c*) positum sit usque ad extremum vitæ halitum, eam immutare, extra omnem dubitationis aleam positum est, hereditas enim viventis nulla est. (*d*) An autem exinde sequatur, Testamenta, remoto Jure Civili, nullum invenire firmamentum, id aliis dijūdicandum relinquimus, qui delectari cupiunt Scriptis in republica litteraria evulgatis GROTHI, THOMASII, COCCEII, GUNDLINGII cet. (*e*) in utramque partem hanc de cidentibus quæstionem. Verum quidem est & ex indole & natura Testamenti fluens, quod minime pro specie contractus haberi possit, nam in hoc actu nullus mu-

A

tuus

tuus consensus, ex quo jus contrahentium, in id quod
 promissum est, emanat, deprehenditur; Testator enim,
 qui post mortem suam, quædam sua bona in alium
 transferre vult, non illud sibi propositum habet, ut sta-
 tim ea in Testamentarium transferat, vel jus liberæ dis-
 positionis ante mortis momentum sibi abjudicet & al-
 teri aliquod jus conferat, omnes enim termini *cesserunt*,
transigerunt, *contraxerunt* a Testamenti factione exulant
 L. 20 ff de V. S. utpote qui actus inter vivos expri-
 munt. (f) Quid? quod a Testamenti natura plane ab-
 horreat, eam Legem sibi dicere, ut Testatori a priori
 voluntate recedere non liceat. L. 22 ff de Leg. Ju-
 ra Civilia diversarum Gentium alia atque alia ratione
 testamenta determinant, formamque illis constituunt,
 prout mores & usus gentium, majorem vel minorem
 favorem eorum introduxerunt: Apud Romanos Testa-
 mentaria successio, in primis post latam Legem XII Ta-
 bul. ordinaria erat, ita ut infortunium haberetur homi-
 ni e vita discedenti, si testamentum non condidisset,
 vel, ut dicebatur, suum non instituisset heredem &
 substituisset secundum, tertium ex quartum, in casu,
 quod heres institutus hereditatem adire non posset vel
 haud vellet. (g) Nostris moribus & Legibus successio
 legitima seu ut alias dicitur ab intestato ubique obtinet,
 testamenta vero rariora sunt, utpote a legibus, bonas
 ob causas, restricta. (h) Porro in Jure Romano va-
 riæ formulae & solennitates Testamentorum obveniunt,
 quæ rationem certam habentes, prout Jure præscriptæ
 erant, stricte observari debebant. Sic ordinarie & so-
 lenniter testamenta VII, testamenta vero in procinctu
 II testibus præsentibus condebantur, (i) alia verbis di-
 rectis ut Legata, alia iterum verbis precariis ut Fidei
 commissa (k) & sic in ceteris. Jure autem nostro Swe-
 cano doctrina de Testamentis admodum facilis est &
 brevis,

brevis, ita ut bene cognitis XVI, XVII & XVIII Cap. Tit. de Succession. ICto liceat omnes casus emergentes ex testamentis enodare. Nec plures solemnitates Jure nostro præscribuntur, quam quæ ad plenam probationem omnino necessariae sunt. (l) Majoris perspicuitatis causa, in theoria Juris versantes, dividimus Testamenta in *pura & conditionata* (m), in *scripta & nuncupativa* (n), in *unilateralia & reciproca*. (o) Testamenta facere possunt omnes, viri, & feminæ (p) qui non impediuntur a lege ob defectum judicij, (q) ut impuberes, mente capti. (r) Jure Romano illi, qui capitis diminutionem maximam vel mediam passi sunt, h. e. qui Jura libertatis vel Civitatis amisere, prohibentur testari; ergo captivi, servi, ad mortem damnati, captivi poenæ & peregrini a testamenti factione excluduntur. (s) Legibus vero Patriæ hi omnes testamenti jure gaudent, quare testamenta facere possunt, ad mortem & in exilium perpetuum damnati æque ac captivi poenæ perpetui (*dömdे til lifstids fängelse*) nisi insimul bona, sententia criminali, fisco adjudicata sint. (t) Ratio est, quod testamenti jus, non apud nos Jure Civitatis ut apud Romanos, sed Jure dominii fundatum sit. Videndum jam est, qui ex testamento heredes institui possunt vel non: Omnes ex testato hereditatem capere possunt, qui habiles sunt ut succedant ex intestato & contra, quare excluduntur illi, qui eo loco sedes posuere, ubi Civis hereditatis in Sviogothia capax non est. (u) Impediuntur illi, qui ob enormia crima bona sua sententia criminali amisérunt (v) vel in exilium perpetuum relegati sunt. (x).

(a) Pr. I. de Testament. ord. prolixus est in etymologia hac Tri-Confr. etiam GUNDLINGII Dis-
boniana.

cource über die Instit. ad h. l. & (b) NEHRMAN EHRENSTRÅ-
Dissert. D:ni Söderström, Präf. D. LE Jurisprudent. Civil. om Te-
D. SOLANDER de Testament. ubi stamente.

(c) *Testator* dicitur, qui testamentum condidit, *Testatarius* vero vel *Testamentarius*, qui ex testato heres institutus est.

(d) Engin ma annan quickan ärva, dicitur in 8 f. pr. Erfd. Bl. Upl. L.

(e) GROTIUS de J. B. & P. L. II. Cap. VI. §. 14. Definitiōnem Grotii Testam. l. c. adhibitam, HEINCIUS in p̄leēt. ad eundem l. jure taxat. Confr. ulterius THOMASII Diff. de Testament. COCCEII Commentar. ad cit. loc. Grotii nec non SAM. COCCEII Nov. Syst. Just. nat. & Rom. L. IV. Cap. III. Sect. 4. NEHRM. EHRENSTRÄLE J. P. C. om Test. p. 403.

(f) Confr. Dissert. c. de Test. §. IX. Facultatem testandi ex jure Gentium fluere, Solemnitatem ex Jure Civili, asserit HOPPIUS in Comm. ad Inst.

(g) GUNDL. ad I. pr. §. 1, 2, 3. de vulg. substit. & §. 1, 5. de Test. ord. Apud Romanos nec fas erat ut quis pro parte testatus & pro parte intestatus discederet L. 7. 27 de divers. Reg. Jur. L. 5. I. de her. instit. & Hoppii comm. ad h. l. Volo tamen non ex his ea deducatur consequentia, quod plane abolita fuerit successio liberorum apud Romanos, nam & hi sui & necessarii heredes dicti plerunque instituebantur & Testamenta in eorum favorem facta privilegio munita erant conf. Gundl. l. c. pr. Tit. quib. mod. Test. infirmi. Vid præterea, quæ adfert.

ill. MONTESQUIEU in L. XXVII de l' esprit des Loix: *Lorsque le Pere n° instituoit ni exhéredoit son fils, le Testament étoit rompu.*

(h) Rationem adfert Nob. KÖNIG L. Ö. Tit. de succēs. in not. Testamenten föra många befvär med sig för publicum, astadkomma missförstånd och osäkra emellan fränder och den oskylda &c. HERM. CONRINGII procēm. ad Tacitum de mor. Germ. p. m. 76 & seqq.

(i) Rationem & originem VII Testium in Testamenti factione adfert Gundl. l. c. item Heineccius, Elem. Jur. Civ. L. II. T. X. §. 487 & 488. Privilegium concessum erat militibus cum hostibus pugnantibus, quod si vel illi, neque legitimū numerū testium adhíberent, neque alias solemnitates observarent, reste nihilominus testarentur. confr. pr. I. de Test. Mil. Scripta ergo eorum Testamenta sine testibus & nuncupativa duobus adhibitis valebant. Heineccius l. c. de mil. Test. §. 504. Sicco præterimus pede varias Romanorum Solemnitates ut Solennia eorum verba & quod uno contextu & actu interrupto Testamenta fierent &c. Vid. Heinecium l. c. §. 493 & seqq. Ejusd. Antiquitt. Rom. ad Inst. L. II. Tit. X, XI, XII.

(k) Heredi generali ex testato instituto, sepe pro more Romanorum a Testatore injungebatur, ut de universa hereditate solveret certas portiones aliis, quibus testator has collatas vellet, aut verbis directis

reclis per *Legata*, aut verbis pre-
cariis per *Fidei commissa*; illa ju-
bebant heredem ut praefaret hæc
vero rogabant & constituebantur,
quando ille cui aliquod delibatum
vellet Testator, ex hereditate, ca-
pitis diminutionem passus esset &
jure heres, institui non posset. Confr.
Heineccius & Gundl. l. c. ad T. de
leg. & Fidei com. Vid. etiam *Mon-
tesquieu* l. c. qui asserit fidei com-
missa primum apud Romanos in
usum venisse, ad eludendam vim
Legis Voconia, qua fæminæ pla-
ne a successione exclusæ erant.

(l) Duas solemnitates, quas Jus
nostrum ut omnino necessarias præ-
scribit in primis observamus, unam
a parte Testatoris in testamenti fa-
ctione & alteram a parte Testata-
rii in adeunda hereditate: Testa-
mentum facienti prescriptum est,
ut duos adhibeat testes omni ex-
ceptione majores; qui ut in aliis
negotiis juridicis XVII: 29 R. Bl.
ita in hoc plene probant XVI: 1.
A. Bl. Cujus legis tamen aperta
litera docet virorum non fæminarum
testimonium in testamenti fa-
ctione valere; ratio videtur esse,
quod Testamenta plerunque odiosa
sunt legitimis heredibus; qui ex-
postulant probationem, ea sano ju-
dicio & actu voluntatis non vi-
tu & fraude extorto condita esse, de-
de quo ipso, melius viri, quos le-
ges in pluribus aliis negotiis, præ-
minentiores censent, judicium
ferre presupponuntur. Interpretatione
tamen usuali ex haud con-
temnendis argumentis introductum

est, testamentum fæminarum testi-
monio munitum, ceteris paribus,
non ideo esse improbandum. Quic-
quid sit, exquisiti Juris est, testi-
um probationem tam necessaria
esse in testamenti factione, ut hu-
jus solemnitatis non observantia te-
stamentum infirmum reddat. Quod
attinet alteram solemnitatem sc. a
parte Testamentariorum observandam,
necessum est, ut Testamentum intra
semestre, ex quo Testatoris
mors & Testamentum Testatariorum
innotuerit, debeat Judici competen-
ti exhiberi, simulque incorrup-
tum ejus exemplar, quod heredi-
bus legitimis tradendum est. Hac
solemnitate omissa, destitutum ha-
betur Testamentum nam præsup-
ponitur Testatarius non velle ad-
ire hereditatem ex testamento.

(m) *Testamentum purum* dicitur,
quando quis certorum bonorum he-
res instituit nulla adjecta condi-
tione vel clausula. *Testamentum*
conditionatum vero est, qvod con-
tinet conditionem vel modum.
Conditione innixum est Testamen-
tum, dum ex futoro eventu incerto
dependet Testamenti valor ex.
gr. Cujus heres esto, si Mæviam
uxorem ducat: Si non posthumus
nascatur. Modum autem dicimus
adjectum esse Testamento, si certæ
præstations heredi instituto a Te-
statore injungantur vel testamen-
tum non solum Testatarii perso-
nam sed & alios respicit, quod
nomine appellari potest *Testamenti*
modificati. Species Testamenti mo-
dificati sunt *Legata* & *Fidei com-
missa*

missa, que tamen, in primis haec, toto cœlo differunt a legatis & Fidei commissis Romanorum. Legatorum nomen fortuntur Testamenta particularia, quibus ex re universalis certe portiones vel annui redditus ex re præsertim immobili delibantur uni vel pluribus ab herede generali voluntate instituto præstandi. Fidei commissum familiæ vocatur dispositio in totius familia favorem facta a Testatore eo modo, ut bona delibata semper intra familiam maneant indivisa & nullo titulo abstrahi queant, ab herede vero in heredem transfrantur. Confr. *Constit. Regia de Test. de anno 1686 §. 5.* Testator ita disponens vocatur *Fidei committens* quatenus fidei posteritatis committat voluntatis sui effectum. Heres hoc modo institutus dicitur *Fiduciarius heres*, fidei enim ejus commissum est, ut relinquit bona post abitum illi integra, cui relicta ea voluit Testator Fidei committens. Plerumque Fidei committens ordinat, quod filio primogenito relinqui debeant bona, unde successio in fidei commissaria bona plerumque est linealis & agnatica, & fidei commissa ejusmodi vocantur *Senioratus* vel *Majoratus*. Qui plura desiderat in hac materia adeat Dissert. Londini Goth. habitam de Testam. Famil. illustr.

(n) XVI: 1. A. Bl. *Scripta testamenta dupli ratione constituuntur*, vel Testatore subscriptente Testamentum ab alio scriptum &

testibus sua subscriptione moralitatem actus comprobantibus: vel, quando Testator ipse testamentum scribit & subscribit propria manu, quod vocatur *Holographum* & valere sine testium testimonio. Testamenta nuncupativa, duobus testibus presentibus fieri debent, qui non solum de consilio & voluntate testatoris feria, sed & de quantitate bonorum quæ donantur, fidem facere possunt.

(o) Per *Testamenta reciproca*, innuimus ejusmodi testamentarias dispositiones, quas conjuges vel amici ob mutuum favorem condunt. Voluntates in his non minus quam in aliis testamentis ambulatoriae sunt & mutabiles, atque testamento ab una parte annihilato, dispositio etiam alterius nulla est, quatenus mutua amicitia & benignitate orta unum alteri innitur. confr. *Königs Lärd. Öfn. T. om arf* §. 35.

(p) Apud veteres Romanos feminæ plane a testamenti factione exclusæ erant, ob rationem, quod testamenta ut negotia Publica in Comitiis eorum Calatis fierent, ad qua nullus feminis accessus erat confr. *HEINECCHI antiquit. Rom. L. II. p. m. 529.* Postea vero locorum ævo feminis testamenti factio permitta est. Nec in genere obstat Tutela mariti, quæ valida ad obicem potendam distractioni vel alienationi bonorum, viva conjugi, sed haud post mortem, a quo puncto valere demum incipit testamentum.

(q) Ma-

(q) Majorem respectum maturitatis judicij hoc in negotio habere videtur Lex quam majorennitatis Jure definitæ, unde virgines, quæ alias perpetuae tutelæ subsunt, jus testamenti factionis habent modo maturitas judicij ad sit, quem favorem nec minorenibus adolescentibus, cæteris paribus, denegandum esse putamus. Confr. XVI: 2. Å. Bl. & NEHRM. EHRENSTRÄLE ad c. l. vid. not. seqq.

(r) Impuberces Jure Rom. dicebantur, qui sub tutela erant & annum XIV non implevere; hi etiam nostris Constitutionibus impuberum (*öfvermaga*) nomine insigniuntur, ita, ut neque Auctores rerum gestarum, sensu morali habeantur, nec ulla bonorum suorum dispositione gaudent XXXI: M. Bl. & XIX: 1. Å. Bl. Qui vero annum XV nati sunt, bona sua proprio labore aquisita pro lubitu administrant. Confr. XIX: 1. Å. Bl. Quare nostro qualicunque judicio nil impediat, quo minus testamenta condant, modo immaturitas judicij non aliunde demonstrari poscit. Ratio in aprico est; minorennes enim sunt Domini rerum suarum, licet ex dispositione legum, administratione, ob imbecillitatem priventur. Mente capti a Testamenti factione plane excluduntur, nisi delirium si intermittens & testamentum fano intervallo conditum, cu-

lus probatio incumbit Testatario. Prodigos sub curatela constitutos testamenta haud condere posse assert Nobil. NEHRMAN EHRENSTRÄLE in J. P. C. Tit. om Test. §. 4. ob quam vero rationem, non video. Verum quidem est, sententia judiciali decisum prodigum XIX: 4. A. Bl. amittere bonorum suorum administrationem, ne eorum furiosum exitum faciat L. 12. ff de *Tut.* & cur. dat. Quidam autem jus dominii retineat & a prodigalitate ad delirium non valeat consequentia, nec post obitum prodigi, ratio hujus legis obtineat, neque pro nostra sententia, prodigos, Jure testandi privare possumus.

(s) Coufr. D. qui *Test. facere possunt & Inst. quibus non est permitt. facere.* Hos separatim enumerat STRUVIUS in synt. Jurispr. p. m. 208 & 209.

(t) Confr. Ehrenstråle J. P. C. de *Test.* §. 4. & ejusdem supplem. ad h. l. in quibus curis posterioribus Illustr. vir sententiam mutavit, quam seductus a J. Roman. principiis, in J. P. C. fovet de *cis* qui Jura Civitatis amisere vid. etiam ejusdem præl. ad T. de Jure hered.

(u) Cap. XV. §. 7. Å. Bl. Kongl. Bref af d. 19 Dec. 1757 & Kl. Canc. Coll. berättelse.

(w) Cap. VII. §. 1. Å. Bl.

(x) Cap. VII. §. 2. Å. Bl.

§. II.

An Testamenta cognita & in usu fuerint apud Sviago-

gothos, vetustissimis ante introductam religionem Christianam temporibus, vel eorum origo tota quanta Clero Romano & ejus insatiabili habendi pruritui tribuenda sit, quæstio majoris indaginis est. Ex legatis ad pisas causas prima testamentorum incunabula vel saltem eorum progressum & abusum ICti nostri deducere satagunt. (a) Nos judicium hac in re ut pure historica, lubenter suspendimus, id solum quasi in transcurso ob servantes, in Codicibus Legum Provincialium tempore Hierarchiæ Romanæ concinnatis, vix alibi fieri mentionem testamentorum nisi in Titulis, qui Jura Ecclesiæ exponunt, ubi ejuscemodi legata in favorem Cleri dicuntur: *Forskjäl i yttersta tima, Själagipt, til Själar tarfva, Gipt fore Själ fina, Testament.* (b) Dicto ævo Clerus Romanus magis quærens suam voluptatem & potentiam quam regnum DEi, innumeris artificiis atque delineatione horridissima imaginarii sui purgatorii, terrorem injicere animis emorientium imbecillibus studebat, & persuadere, ut hos dolores mitigarent largissimis donationibus in favorem templorum & Ordinis Sacri. Nec successu caruit scelus; homines enim, cum accessisse se ad finem mortalitatis sentirent, fraude sub colore pietatis adhibita, persvasi, futuram beatam vitam ejusmodi largitionibus emi posse, lubenter præstantissima sua bona, quibus utendi amplius spem non haberent, pro anima, Clero & otiosis Monachorum Societatibus ex testato relinquebant. Hac ratione non potuit non fieri, quin legitimi heredes damnis afficerentur, quibus amisisis bonis sibi Jure sanguinis debitibus vix suppeterent, unde vitam sustentarent, dum Clerici homines ex opimis prædis ditati, laute & splendide male parta consumerent. Hinc luctus heredum legitimorum, Monachorum heredi petitiones & discordiæ inter hos institutos & illos exheredatos: hinc series plurimorum malorum in Rempubli cam

tam redundantium (c) quorum fama demum percrebuit & ad S. Patrem delata est, qui ut proratione status Hierarchiae Romanæ, hisce vulneribus, medelas quasdam adhiberet, ordinavit sequentem in modum: *Qui habet unum filium alterum faciat Christum, dimidium Ecclesie relinquendo; qui habet duos, faciat tertium Christum.* Verba sunt Papæ Alexandri II. (d) quæ adjecta nova limitatione, inserta sunt Cod. Legum Ostrogoth. (e) Hæc medicina palliativa tamen debilior fuit quam morbus, rejecta enim differentia inter bona avita & acquisita, abusus testamentorum, minime evitari potuit & licet hæc distinctio postea invaluerit, concessa tamen facultate ex bonis avitis immobilibus decimam partem testandi & plus, modo consensu heredum legitimorum fieret, (f) callidissimi Monachi, vi, clam, precario multa bona per testamenta inofficiose obtinuere. Qui plura scire cupit de machinatione Cleri Romani hoc in punto, adeat Nob. Consil. Coll. Cam. Dni BOTIN Libr. de Prædiis Svec. P. II.

B

§. III.

(a) WILDE Hist. Leg. Svec. STJERNHÖK in Aur. Libr. de jure Syion, vetusto L. II. Cap. III. ubi citatur Corn. Taciti assertio de Germanis C. XX. §. 6. *Hexedes tamen successoresque sui cuique liberis & nullum testamentum, si liberi non sunt, proximus gradus in possessione, fratres, patrum avunculi &c.*

Ex opinione Schilteri in Exercit. Testamenta ante seculum XV, in Germania hodierna ferme ignorata fuere. Consr. D. Stengeri Dissert. inaug. Erfordie habitam de ultima voluntate approbat. & consensu indiga. Vid. Ehrenfrâde J. P. C. om Test. §. 3.

(b) Dikman antiq. Eccles. 2. fl. 5. §. Jord. Bl. Upl. L. 22. fl. Kyrk. Bl. Westg. L. &c. In cit. loco L. Upl. permittitur ex bonis acquisitis immobilibus, gifva eller sâja sig til Själjar farfva. 2. fl. Jord. Bl. Sudérn. L. jus concedit ex prædiis acquisitis gifva, gälla och sâja, huem han vil, quod gifva generaliter possum, vix de Testamentis dictum putas. Par i modo dictitat Lex Westman, in 6. fl. J. Bl. Dignus est locus, qui adferatur ii. fl. Å Bl. Öfg. L. Nu må egh man jord eller annat gods giva undan rättom arvom, sva sum för var i Laghum. Ex quibus luculentissimis legi verbis satis appareat, testamen-

ea vel donationes quaslibet in detrimentum heredum haud adprobatas frisse a vetustis legibus consuetudinariis, quas collexit Lamber. Secundum mentem Pr. C. 4. ejusdem Leg. & Tit. nec permisum erat liberis naturalibus, *frillubarn*, aliquam partem bonorum dare, nisi cum consensu heredum legitimorum coram Rege vel judge Provinciali declarato. Exceptionem tamen ab his regulis addit §. 1. laud. Tit. ubi leguntur verba: *Nu ma egh giwa undan råttum arvein, uthan till klöstra ålla kirköiu, uthan thes wilja sum arvein är, ok halde jålvår a fästum ok kjöpum.* Confr. ulterius, quæ eruditissime pro more suo adfert illustriss. EHRENSTRÖM in procœmio ad prelect. in Tit. de Jure hered. Cod. FRIDER. scilicet, quod nulla vestigia testamentorum in actis prisci ævi inveniantur & testamenta medii ævi, secundum formam Jur. Canon. concinnata sint &c.

Ex hisce allatis argumentis, faltem maxima cum probabilitate, donec demonstratio fiat in contrarium, concludere licet, testamenta natales suos in Sveogothia nostra debere Cle-ro Romano.

(c) Per inventam amortisationem bona Ecclesiæ donata ab omni pensione vel canone annuo Regi solvendo immunita facta sunt, sub nomine *andeligit frälse*. Alt thet kirku gifvit varder, thär ma äuktii an-nat afgöra, uthan sana kirkju till thorvä. Desliges äro manghe hus, gärdar och jord sâ i Städern och på andet gifven pantaad och fältt til kur-

kier och kloster undan skatten, der Kronan haffuer haft en ganska stor skada wdäff. Act. comit. Stregnes. de anno MDXXIX. in collecti. STJERNMAN. T. 1. p. 112. Vid etjam NEHRM. EHRENSTRÅLE Colleg. MSS. Jur. Publ. Secl. III. Cap. 3. §. 7.

(d) Literæ nominati Pontificis in ÖRNHJELMII Hist. Eccles. p. 497. Ratio status Hierarchici tamen non permisit licentiam testandi intra iuritos suos terminos coërceri & jus canon. piis caussis perbenevolum erat, ita ut absque solennitatibus & testibus legata facta ad pias caussas firma essem, C. 4. 11. X. de Testament. confr. KAHLII Elem. Jur. Canon. Libr. II. Tit. XXV. de Testament. Observatu etiam dignum est, quod Episcopis reservata fuerit jurisdicendi potestas in caussis testamenta concernentibus. *Biscuper skal döma um klärka, hjonaleg, bansomal och Testa-ment XVIII. fl. Kirk. Bl. Västg. L.*

(e) XXIV. fl. Kristn. Bl. *Giver madher eghin till klöslär ålla Kirkiu osjuker, tha ma han helan hufvudluth gifva, ok halvan, än i hålvananum lig-går. Vide etiam XXII. fl. ejusd. T. Västg. L. um Själa gipt ålla Testa-ment,*

(f) XIV. C. 1. §. Kirk. Bl. L. *Nu figher arwinge nei -- Tha ma han ei mera gifva än hvar tijonde penning, han ågher af sine gamla byrd, hvar han ågher mera ållä minna. Aslinge jord ma man gifva hvem man vil eller fore själ sna.*

§. III.

Visit ex brevi historia Testamentorum mediæ ævi in Patria nostra, perplurimis malis ex jure testandi intra justos cancellos non posito emanantibus, fatis superque exinde apparet, quantum interfit Reipublicæ bene constitutæ, testandi libertatem Legibus limitari, ne in fraudem familiarum & legitimorum heredum testamenta fiant admodum vulgaria & successio legitima ab intestato plane evanescat. Etenim Lex illa XIII Tabularum: *Pater familias uti legasset super pecunia tutelaque suæ rei, ita jus esto (a), non indistincte, sed exhibito justo moderamine, fuscipienda est, quamobrem Legislatores, quorum summum officium est, publicam & singulorum Ci-vium salutem promovere mediis, quæ suggerit senior Politica & cognitio Legum Universali, prudenter omnino & juste limites ponunt testamentis, ne ea, quæ ob æquitatem, publicæ salutis causa introducta sint, per iniquitatem vergant in publicam perniciem. Magnæ igitur æquitatis & prudentiæ Legislatoriæ specimen est, quod Leges Civiles non solum determinent quantitatē bonorum, quæ ex testato dari possunt, sed & statuant ejusmodi actus, in primis cum gratuiti sunt, fieri debere determinatione voluntatis liberrima, quæ sanæ rationis ductum sequi valet (b) & abesse debere omnes hereditationes per metum, dolum &c. (c). Ut prætereamus exterarum Gentium Leges Civiles de Testamentis & nostras proprias solum consulamus, demonstratu facile est, Legislatorem omnem navassè operam ad prævertendum abusum testamentorum; novimus enim testamentum non valere, nisi duorum testimoniis firmatum, qui si testamentum sit nuncupativum, de ultima Testatoris voluntate exquisitam relationem recitare queant & insimul probatum dare, illum eo temporis momento, quo*

testamentum fecit, fuisse sibi relictum, atque sanæ rationis usum habuisse (d) si vero scriptum sit, contestari queant, Testatorem ex prævio consilio ita voluisse & ordinasse, ut Testamenti Tabula ab ipso & testibus subscriptæ indicant. (e) Quando testium omni exceptione majorum copia haberi non potest, & testamenti tabula a Testatore propria manu exarata & subscripta inveniuntur, legitimæ nihilo minus censentur, quatenus vix probari potest, eum rationis usu destitutum vel metum & dolum perpassum fuisse, qui holographum testamentum consignavit. (f) De exhibitione Testamenti coram judice jam diximus in nott. ad §. I. (g) & de legitima heredum legitimorum infra dabitur occasio differendi.

§. IV.

(a) Post latam hanc Legem apud Romanos, successio ab intestato ferme evanuit & per tractum temporis Quirites amplissima hac potestate perverse usi sunt, quare perplures Leges ut *Falcidia, Furia, Velleja, Cornelia, Caninia Sontia, Papia, Glicia* &c. late, que simul cum responsis JCtorum, a tempore Decemvirorum ad Justinianum, fecerunt doctrinam Testamentorum & legatorum multis tricis involutam ad immensam illam molem excrescere, quam in ff. Justiniani cernimus, que tamen in nostra Jurisprudentia nullum usum habet, nisi ad plana reddenda obscuriora.

(b) Med jyndt och fullt förstånd och af fri vilja. XVI: 1. Å. Bl. At den sker af godt och fullt förstånd, utan tvång läckande eller förieda av Kl. stadt. om Testam. den 3 Julii 1686 §. 9.

(c) Proscripta superstitione & Hierarchia Papali per reformationem

gl. mem. Reg. GUSTAVI I:mi, simul sua sponte exalatunt rationes metum inculcandi agonizantibus, quibus callide utebantur avari Monachū, nihilominus tamen ordinatione Arosiae facta Comit. Solenn. anno 1527 inter alia statutum legimus *Icke eller skål något sukt folk af Præsterne twingas til något testamente emot deras fria vilja.*

(d) Etiam si album non addamus calculum Legi Jur. Rom. quod testamenta fieri debeant uno contextu vel actu testandi continuo & haud interrupto L. 28. C. de Testam. ex indole tamen & natura testamento-rum prono ut ajunt alveo fluere existimamus, probationes in testamento nuncupativo non debere cumulari; ita ut in favorem Testatarū allegentur, que mortuus, haec vel illa occasione, dum in vivis esset, fortuito sermone dixerit de Cajo vel Sempronio herede instituendo, sine declaratione aperta voluntatis te-

standi. Necessum enim est testamentum nuncupativum facienti, testes expresse rogare ut de ultima voluntate testimonium dicant, vel nihilnum indicare voluntem suam testandi seriam, in praesentia testium, atque hanc memoriam eorum commendare.

(e) In testatoris libertate positum est, an velit tabulas testamenti jamjam scriptas testibus ostendere & de contento eos certiores reddere, vel subscriptionem testium solummodo expetere, ut testimonio sint de voluntate ejus seria & judicio fano. Vid. XVI: 1. A. Bl. & ordin. de Test. 1686. §. 9. LOC-CENII Synops. Jur. Priv. p. m. 198.

(f) Certe heredi querelam insufficiunt hoc in casu incumbit probatio in contrarium. Infra amplius dicetur de probatione necessaria atque ejus indole, in actione ad testamentum insimandum instituenda, vel evertenda.

(g) Novi questionem ventilatam fuisse, an sufficiat Testamenti Tabulas coram Judice extrajudicialiter exhibere, vel necessum sit hoc fieri coram Judicio vel Collegio? Si nostram qualeunque sententiam dicamus, existimamus, si copia Judicij semper haberi possit, ut Curiae superioris in Urbe, & Supremi Judicij Regii in causis testamentariis Nobilium, insinuationem testamenti fieri debere in Judicio. Si vero judicium ambulatorium sit, ad quod aditus non semper patet utpote Judicium territoriale, afferere non dubitamus, exhibitionem coram Judice Territoriali sufficiere, in qua sententia magis confirmamur exinde, quod plerisque locis intra Regni Svecici pomaria, non nisi una vice quolibet anno jus dicatur a Judicio territoriali & fatalia testamenti exhibendi vel adeundi strictissimi sunt juris.

§. IV.

Explicata, qua unquam fieri potuit brevitate, indele & natura Testamentorum eorumque forma Legibus Patriæ præscripta, ut proprius ad id ipsum, quod præcipue nostræ tractationis esse proposuimus, nolmet accingamus, dicendum jam venit, quotuplici modo Testamentum infirmatur. „Testamenta variis modis infirmantur quos ICTi (exotici) verborum curiosissimi totidem vocabulis distingvere solent, (a), 1:mo Nullum dicitur Testamentum quod non jure factum ob inhabilitatem Testatoris vel Testamentarii, si testamentum do-

lo vel metu exortum sit, vel non prævio consilio & eo fundato actu voluntatis liberrimo conditum. (b) II:o *Illegitimum* seu *Injustum* habetur testamentum, ab exceptione omni majore Testatore in favorem habilis heredis testamentarii quidem factum, sed ob defectum solemnitatis externæ necessariæ tamen infirmandum. (c) III:o *Ruptum* esse testamentum dicunt, si posthumus nascatur vel testator mutaverit voluntatem, sive novum testamentum fecerit sive prius testamentum revocarit (d) IV:o *Irritum* fit testamentum si illo tempore, quo ratum fieri deberet, ob mutationem status testatoris vel testatarii vitiatur, si per sententiam judicialem testatoris bona fisco adjudicata sint, vel testatarius ob crimen jus succedendi amiserit. (e) V:o *Destituti* vel *Triti* nomine insignitur testamentum, si moriatur Testatarius prius quam Testator, vel nolit hereditatem ex testato adire. (f) Denique VI:o *Inofficium* dicitur Testamentum, quando testator contra officium Legitimæ portioni heredum ex intestato detraxerit, quare testamentum vel in totum vel in tantum rescinditur ope Judicis, querela inofficiosa rite ab herede proximo instituta. (g)

§. V.

(a) Verba sunt Cel. *Heineccii* in Elem. J. L. II. Tit. XVII. §. 568. Fateor quidem exponi posse modos legibus notatos, quibus testamenta infirmantur, sine separato nomine cuilibet imposito, sed cum innoxiae ejusmodi distinctio-nes ut in aliis scientiis ita etiam in Jurisprudentia, ad majorem perspicuitatem quodammodo conferre possint, cur eas rejiciamus non video.

(b) Nullum in Jure denotat idem ac inutile, caſsum, infeluum & nullius momenti. ALMERS manuale Jur. voc. *Nullum*. In Cod. L. L.

nostro, nullitas actus juridici plerumque exprimitur per vocabulum *Ogildt*, vare *ogildt* III: 1. 3. G. Bl. IV: 1. ej. T. &c. Etenim negotia juridica in quibus essentialia deficiunt nulla habentur.

(c) Utpote si testamentum a testatore quidem sit subscriptum, sed testes non exhibiti, illud vitiatur & illegitimum habetur ob neglectam solemnitatem externam necessariam.

(d) Afferimus testamentum rumpi, si nascatur posthumus, quod generaliter quoque verum est, quoties ex sensu genuino Tabularum

testamenti colligere liceat, illud vel in solatium orbitatis vel posthumo haud presupposito conditum esse. Vid. sententiam judicalem ORDINUM REGNI in causa inter Nob. Capit. Car. Armfeldt thori solum Sophiam Barck & Locum tenent. Nob. Frid. Wulferona cernente Fidei commissum in favorem familie Wulferonianæ a defuncto Capit. & equo Gustavo Wulferona. Nov. pag. Comit. de anno 1761 pag. 203.

Posteriori testamento prius factum revocatur, si utrumque continet heredis institutionem in eadem re, secus vero si in diversa. Cum vero, ut antea observavimus, volumtas testatoris sit ambulatoria & revocabilis usque ad extremum vite halitum, in potestate Testatoris relictum est, testamentum quocunque modo immitare, vel mutationem voluntatis palam facere.

Si duo testamenta holographa de eadem re, eadem die confecta presententur & nullatenus demonstrari queat unum esse alteri recentius, neutrum valere putamus, propter incertitudinem voluntatis defunctoris testatoris. Jus quidem hic non deficit, sed probatio. HOPP. ad I. de codicilli.

(e) Vid. Cap. IV: §. §. 1. 2. 3. 5. 7. Cap. VI: §. §. 1. 2. & Cap. XXXII: §. §. 3. & 4. M. Bl.

Si capitis diminutionem patitur testarius & Jura Civitatis in totum amittat, irritum fit testamentum in ejus favorem conditum. confr. I. c. ad §. I. sub (u) (w) (x) nec on Cap. I. §. 3. M. Bl.

(f) Successio enim ex testato non egreditur personam instituti heredis, nisi substituerit Testator more Romanorum, vel testamento forma fideicommissi addita sit. Duplici modo declarare potest Testarius, se non velle adire testamentum, vel expresso vel tacite & ex praesumptione juris, si neglexerit intra terminum a Lege prædefinitum insinuare tabulas testamenti coram Judice competente. vid. not. (1) ad §. I. h. Dissert. & C. XVIII. §. 1. A. Bl.

(g) Inofficium est vocabulum compositum ab in, in sensu defectivo sumto, & officio, ita quidem ut inofficium dicatur, quod contra officium sit pari ex ratione ac injustum quod contra iustitiam peragit. Quia saepe vi antea nominatae Leg. XII Tab. apud Romanos, Parentes sine causa liberos suos exheredarent vel omitterent, industa est a Jctis querela inofficii colore furoris, ac si Pater integræ mentis non fuisset, qui tam malignè judicasset de sanguine suo. e Hein. ad Inst. L. II. T. XVIII. Observandum tamen, quod hoc diceretur non quasi vere furiosus esset, sed recte quidem fecerit testamentum, non autem ex officio pietatis. Pr. I. de Inoff. Test. Juxta Nov. 115 c. 3. restricta est querela inofficii intra duos casus I: o Quotiescumque rite quidem seu legitime a Parentibus aut liberis facta est exhereditatio, sed causa probari nequit a herede scripto II: o Quotiescumque præterito fratre vel forore, turpis persona in testamento heres instituta. HOPPII Comm. ad Inst. de Test. Inoff. Qui plura scire cupit

cupit de statutis Romanorum hoc tione sufficit hæc pauca solum le-
in punto, sciat. Commentatores viter tetigisse.
J. Rom. Pro instituti nostri ra-

THESES.

I. In genere dici non potest, quænam forma imperii sit optima.

II. Qui, in definienda régiminis forma Svecana per Monarchiam, aristocratice & democratice temperatam, aristocraticam illam temperaturam querunt in *Concilio Senatus*, a recto tramite aberrant.

III. In regnis hereditariis jus valet primogenituræ, & si aliter in collatione regni non expresse statutum sit, successio linealis.

IV. Abdicatio Principis in regno hereditario, filio eius non præjudicat, quo minus succedat, modo ante abdicationem natus sit.

V. Instituta comparatione inter HENRICUM VIII Angliae Regem & CROMVELLUM usurpatorem, difficile est judicatu, quis meliori titulo tyranni nomen mereatur.

VI. Legatos Jure Gentium esse irrevocabiles certum est, exinde tamen non sequitur, jus Asyli, contra omnem justitiam eis concedendum esse.

VII. Schismata religionis in quodam regno exorta, Vicino Principi justam belli causam haud præbent.

VIII. In *Authentica Imperat. FRIDERICI I. Barbarosæ, Habita, de Anno MCLVIII. Tit. Cod. Justin.* *Nefilius pro patre, annexa, exordium Jurisdictionis Academicæ querendum esse videtur.*

